

## КОМИ РЕСПУБЛИКАСА КОМИ КЫВ КОМИССИЯЛӨН

2011 вося лөддза-номъя төлысь 2 лун

20 №-а

### СЁРНИГИЖӨД

**Волісны:** Марков В.П., Цыпанов Е.А., Козулина С.Г., Безносикова Л.М., Бутырева Г.В., Карманова А.Н., Коснырева Е.Г., Макарова Н.Д., Попова Н.А.

**Видлалісны да сөгласуйтісны** Коми Республикаса Оланподулысь 98 - 103 статьяяс:

#### 98 статья

Коми Республикаын мирөвöй ёрдысьяс лоöны Коми Республикаса öтувья юрисдикцияа ёрдысьясөн.

Мирөвöй ёрдысьяслысь уджалан ногсö урчитö Коми Республикаса оланпас федеральнöй оланпасьяс серти.

Мирөвöй ёрдысьясöс индö Каналан Сöвет Коми Республикаса оланпасөн урчитöм ногөн.

#### 99 статья

Коми Республикаын федеральнöй ёрдьясөн веськөдлысьясöс, веськөдлысьясöс вежысьясöс да ёрдысьясöс индöны федеральнöй оланпастэчас серти.

#### 100 статья

Коми Республикаса прокуратура пырö Россия Федерацияса прокураторалөн öтиласянь веськөдлан öтувья тэчасö.

Коми Республикаса Прокурорöс федеральнöй оланпас серти индö чинö Россия Федерацияса Медыджыд прокурор Коми Республикаса Каналан Сöветкөд сёрнитчöмөн.

Коми Республикаса прокуратуралысь уджмогъяссö, сійöс котыртöмсö да сылысь уджалан ногсö урчитö федеральнöй оланпас.

### **III ЮКÖД**

#### **8 ЮРПАС. КОМИ РЕСПУБЛИКАСА ОЛАНПОДУВ ВЫНСЬÖДÖМ.**

#### **КОМИ РЕСПУБЛИКАСА ОЛАНПОДУЛÖ ВЕЖСЬÖМЪЯС ДА (ЛИБÖ) СОДТÖДЪЯС ПЫРТÖМ (2003.12.01 лунся 72-РЗ №-а КР Оланпаслön редакцияын)**

##### **101 статья**

Коми Республикаса Оланподув вынсьöдöм йылысь, Коми Республикаса Оланподулö вежсьöмъяс да (либö) содтöдъяс пыртöм йылысь вöзйöмъяс Коми Республикаса Каналан Сöветö пыртöны органъяс да йöз, кодъяслön тайö Оланподув серти эм оланпас вöзьян инöд.

##### **102 статья**

Коми Республикаса Оланподувсö вынсьöдö Коми Республикаса Каналан Сöвет индöм депутат лыдысь кык коймöд юкöнысь унджык гөлöсөн.

Коми Республикаса Оланподулö вежсьöмъяс да (либö) содтöдъяс пыртöны Коми Республикаса оланпасөн. Коми Республикаса Оланподулö вежсьöмъяс да (либö) содтöдъяс пыртöм йылысь Коми Республикаса оланпассö вынсьöдö Коми Республикаса Каналан Сöвет Коми Республикалön Каналан Сöветса индöм депутат лыдысь кык коймöд юкöнысь унджык гөлöсөн.

##### **103 статья**

Коми Республикаса Каналан Сöветön вынсьöдöм Коми Республикаса Оланподув либö Коми Республикаса Оланподулö вежсьöмъяс да (либö)

содтӧдъяс пыртӧм йылысь Коми Республикаса оланпас дас лунӧн мӧдӧдӧны  
Коми Республикаса Юралысьлы да йӧзӧдӧны воӧмсяньыс дас нӗль лунӧн.

Коми Республикаса Оланподув либӧ Коми Республикаса Оланподулӧ  
вежсьӧмъяс да (либӧ) содтӧдъяс пыртӧм йылысь Коми Республикаса оланпас  
лоӧны вынаӧсь найӧс официальной йӧзӧдӧм бӧрын.

Коми Республикалӧн  
Медвылыс Сӧветса  
Вескӧдлысь  
Ю. Спиридонов

Сыктывкар

1994 вося урасьӧм тӧлысь 17 лун

Комиссияӧн вескӧдлысь

В.П.Марков

Комиссияса вескӧдлысьӧс вежысь

С.Г.Козулина

Кывкутысь секретар

Е.Г.Коснырева